

## আখিরাতেৰ প্রতি বিশ্বাস স্থাপন

আখিরাতে প্রতি বিশ্বাস স্থাপন করা ঈমানের একটি অন্যতম রুকন।

মৃত্যুর পর যে দিবসে মানুষের হিসাব-নিকাশ নেয়া হবে এবং তাঁদের কর্মের প্রতিদান দেয়া হবে তাকে আখিরাতে বা শেষ দিবস বলা হয়।

মায়ের পেটের শিশু যেমন বুঝতে পারে না পৃথিবী কত বড়, কত সুন্দর, তেমনি মৃত্যুর আগে কেউ জানতে পারে না আখিরাতে কত বড় ও কত বিচিত্র এক জগত।

আদম আলাইহিস সালাম থেকে নাবী মুহাম্মাদ সাঃ পর্যন্ত সকল নাবী-রাসূল আখিরতের কথা বলেছেন।

কবরঃ

আখিরাতেৰ প্রথম ধাপ কবর, প্রত্যেক ব্যক্তির মৃত্যুর পর হতে ক্রিয়ামতের পূর্ব পর্যন্ত জীবনকে কবরের জীবন বলা হয়। রাসূলুল্লাহ সাঃ বলেছেনঃ

“নিশ্চয় কবর হলো আখিরতের মানজিলসমূহের প্রথম মানজিল। যে ব্যক্তি এখানে মুক্তি পাবে, তার জন্য পরবর্তী মানজিলগুলো সহজ হয়ে যাবে। আর যদি সে এখানে মুক্তি না পায়, তাহলে পরবর্তী মানজিলগুলো তার জন্য কঠিন হয়ে যাবে। তিনি বলেন কবরের চাইতে ভয়ংকার কোন দৃশ্য আমি দেখিনি। (সূনানে তিরমিজী-২৩০৮)

প্রত্যেক মানুষকে কবরের জীবনে তিনটি প্রশ্ন করা হবে।

প্রথম প্রশ্নঃ مَنْ رَبُّكَ . তোমার রব কে ?

দ্বিতীয় প্রশ্নঃ مَا دِينُكَ . তোমার দীন কি ?

তৃতীয় প্রশ্নঃ مَنْ هَذَا الرَّجُلُ . এ ব্যক্তি কে ?

যদি মুমিন ব্যক্তি হয় তাহলে এ সকল প্রশ্নের উত্তর দিয়ে মুক্তি পাবে। আর যদি কাফির হয় তাহলে সে এ সকল প্রশ্নের উত্তর দিতে পারবে না, যার ফলে মুক্তি পাবে না।

এতে প্রমানিত হয় যে, আল্লাহর নির্দেশে এবং তাকে সন্তুষ্ট করার জন্য তার মনোনীত দীন ও তার প্রেরিত রাসূলকে মেনে চলতে হবে। অতএব কুরআন ও সুন্নাহর আলোকে রাসূল-এর অনুকরণে মেনে চললেই আল্লাহকে পাওয়া সম্ভব, আর অন্য পথে গেলে আল্লাহকে পাওয়া সম্ভব নয়।